

ZAPISNIK

sa 1 vanredne sjednice Upravnog odbora Univerziteta u Tuzli, održane u petak 06.03.2020.godine, sa početkom u 14,15 sati u sali za sjednice Rektorata Univerziteta u Tuzli

Sjednici su prisustvovali: predsjednica Upravnog odbora Senada Karajbić, dipl.pravnik te članovi: dr.sci.Senaid Hadžić,red.prof., dr.sci.Redžo Butković, docent, dr.sci.Haris Huseinagić, vanr.prof, Rasema dr. Novalić, dr.sci.Sandira Eljšan,red.prof, dr.sci.Zehrudin Osmanović,red.prof., dr.sci.Franc Andrejaš, vanr.prof. i Noris Sakić,student.

Osim članova Upravnog odbora sjednici je prisustvovala: rektorica dr.sci. Nermina Hadžigrahić,red.prof., generalni sekretar Jasmina Berbić,dipl.pravnik, i šef Službe za pravne, kadrovske i opšte poslove Šejla Fazlić, dipl.pravnik.

Predsjednica Upravnog odbora je konstatovala da su ispunjeni svi uslovi za rad i odlučivanje na sjednici, te je otvorila 1. vanrednu sjednicu Upravnog odbora.

Dala je na usvajanje predloženi dnevni red.

Nakon primjedbe člana Upravnog odbora Harisa Huseinagića na predloženi dnevni red i obrazloženja predloženog dnevnog reda datog od strane predsjednice Upravnog odbora i generalnog sekretara Univerziteta, jednoglasno je za ovu sjednicu utvrđen slijedeći

DNEVNI RED:

DNEVNI RED:

1. Donošenje Odluke o imenovanju vršioca dužnosti direktora za ekonomske poslove Univerziteta u Tuzli.
2. Donošenje Odluke o raspisivanju Javnog konkursa za izbor direktora za ekonomske poslove Univerziteta u Tuzli.
3. Donošenje Odluke o imenovanju Konkursne komisije za izbor direktora za ekonomske poslove Univerziteta u Tuzli.

TAČKA 1.

Donošenje Odluke o imenovanju vršioca dužnosti direktora za ekonomske poslove Univerziteta u Tuzli.

Rektorica Univerziteta u Tuzli upoznala je članove Upravnog odbora da je na prethodnoj sjednici zadužena da pripremi pregled potencijalnih kandidata koji ispunjavaju uslove, a dali su pristanak za kandidovanje za imenovanje na dužnost vršioca dužnosti direktora za ekonomske poslove Univerziteta u Tuzli. Nadalje je izvjestila članove da je postupajući po Zaključku Upravnog odbora obavila razgovor sa 5 zaposlenika koji ispunjavaju uslove za imenovanje te da je jedino Fikreta Jahić, dipl.ecc. šefica odjeljenja finansija dala pristanak na imenovanje.

Predsjednica Upravnog odbora je na osnovu ovakvog stanja stvari i predložila članovima Upravnog odbora da se Fikreta Jahić, dipl.ecc. imenuje za vršioca dužnosti direktora za ekonomske poslove Univerziteta.

Nakon održane diskusije Upravni odbor je donio Odluku

O D L U K U

o imenovanju vršioca dužnosti Direktora za ekonomske poslove Univerziteta u Tuzli

I

Fikreta Jahić, dipl.ecc., imenuje se za vršioca dužnosti Direktora za ekonomske poslove Univerziteta u Tuzli.

II

Mandat imenovanog vršioca dužnosti Direktora za ekonomske poslove teče od 07.03.2020. godine pa do izbora Direktora za ekonomske poslove Univerziteta u Tuzli po javnom konkursu, a najduže do 6 (šest)

mjeseci.

III

Tokom obavljanja dužnosti vršioca dužnosti Direktora za ekonomske poslove, prava i obaveze imenovane iz Ugovora o radu broj: 01-9083/16 od 16.12.2016. godine miruju, a ista se nakon isteka perioda iz tačke II ove Odluke vraća na svoje radno mjesto.

IV

Sa imenovanim vršiocom dužnosti Direktora za ekonomske poslove zaključit će se ugovor o radu na određeno vrijeme na period iz tačke II ove Odluke.

TAČKA 2.

Donošenje Odluke o raspisivanju Javnog konkursa za izbor direktora za ekonomske poslove Univerziteta u Tuzli.

Nakon što je Jasmina Berbić, dipl.pravnik, generalni sekretar Univerziteta u Tuzli, izvjestila članove Upravnog odbora da se u skladu sa odredbama Statuta, nakon imenovanja vršioca dužnosti direktora za ekonomske poslove donosi Odluka o raspisivanju javnog konkursa za izbor na navedenu funkciju te obrazložila prijedlog Odluke, Upravni odbor je jednoglasno donio

O D L U K U

o raspisivanju Javnog konkursa za izbor direktora za ekonomske poslove Univerziteta u Tuzli

I

Raspisuje se Javni konkurs za izbor **direktora za ekonomske poslove** Univerziteta u Tuzli.

II

Direktor za ekonomske poslove rukovodi Ekonomskom službom Univerziteta i obavlja poslove utvrđene u članu 84. stav (1) Statuta JU Univerzitet u Tuzli.

III

Za direktora za ekonomske poslove Univerziteta u Tuzli može biti izabran kandidat koji ispunjava **uslove utvrđene članom 54. stav (3) Zakona o visokom obrazovanju („Službene novine Tuzlanskog kantona“ broj: 7/16, 10/16, 5/17, 15/17 i 15/19), članom 58. stav (2) i članom 85. stav (1) Statuta JU Univerzitet u Tuzli.**

Kandidat koji u toku mandata stiče uslove za penziju ne može biti izabran za direktora.

Direktor za ekonomske poslove imenuje se na mandatni period od 5 (pet) godina i može biti ponovo izabran na još jedan mandatni period, pod uslovom da u toku trajanja mandata ne stiče uslove za penziju.

Za vrijeme trajanja mandata direktor za ekonomske poslove zasniva radni odnos na Univerzitetu na određeno vrijeme sa punim radnim vremenom.

IV

Uz **prijavu** na konkurs, a u smislu tačke III konkursa, kandidat je dužan priložiti, **u originalu ili ovjerenoj fotokopiji, dokaze** o ispunjavanju općih i posebnih uslova i to:

1. biografiju, svojeručno potpisanu,
2. uvjerenje o državljanstvu BiH, ne starije od 6 (šest) mjeseci,
3. izjavu da pravosnažnom odlukom suda nije osuđen za krivično djelo ili privredni prijestup što predstavljaju smetnju za imenovanje na dužnost direktora za ekonomske poslove, ovjerenu kod nadležnog organa ili notara,
4. izjavu da mu pravosnažnom odlukom suda nije izrečena mjera zabrane obavljanja poslova/dužnosti

- direktora za ekonomske poslove, ovjerenu kod nadležnog organa ili notara,
5. izjavu da se na njega ne odnosi član IX. 1. Ustava BiH, ovjerenu kod nadležnog organa ili notara,
 6. diplomu o završenom VII stepenu stručne spreme ekonomskog smjera ili najmanje prvom ciklusu visokog obrazovanja prema Bolonjskom sistemu studiranja koji se vrednuje sa 240 ECTS bodova,
 7. uvjerenje o radnom iskustvu u struci u trajanju od najmanje pet godina koje je stečeno nakon sticanja traženog stepena i smjera stručne spreme,
 8. izjavu da nema funkciju u izvršnim organima političke partije ili organizacije koja je povezana sa političkom partijom, ovjerenu kod nadležnog organa ili notara,
 9. izjavu da nema privatni finansijski interes na Univerzitetu u Tuzli, ovjerenu kod nadležnog organa ili notara,
 10. potvrdu izdatu od poslodavca/Federalnog zavoda PIO/MIO o ukupno ostvarenom stažu osiguranja.

Izjave iz tačke IV podtačke 3., 4., 5., 8. i 9. konkursa moraju biti ovjerene kod nadležnog općinskog/gradskog organa ili notara, a ostali dokazi iz tačke IV konkursa moraju biti u originalu ili u fotokopiji ovjerenoj kod nadležnog općinskog/gradskog organa ili notara.

Dokaz o ispunjavanju općeg uslova da je zdravstveno sposoban za obavljanje poslova direktora za ekonomske poslove (ljekarsko uvjerenje o zdravstvenoj sposobnosti za obavljanje poslova direktora za ekonomske poslove), ne starije od 6 (šest) mjeseci, dužan je naknadno dostaviti samo izabrani kandidat, a prije zaključivanja ugovora o radu.

V

Prijava, sa svim potrebnim dokazima, dostavlja se u roku od 15 (petnaest) dana od dana objavljivanja konkursa u dnevnom listu.

Nepotpune i neblagovremene prijave neće se uzeti u razmatranje.

VI

Informacije o djelokrugu rada direktora za ekonomske poslove dostupne su na WEB stranici Univerziteta u Tuzli www.untz.ba/akti - Statut i Pravilnik o unutrašnjoj organizaciji i sistematizacijih radnih mjesta Univerziteta u Tuzli.

VII

Prijava na konkurs s potrebnim dokazima, dostavlja se u zatvorenoj koverti na pisarnicu Univerziteta u Tuzli ili putem pošte, na adresu:

UNIVERZITET U TUZLI

Konkursna komisija - uz naznaku "Prijava na Javni konkurs za izbor direktora za ekonomske poslove – ne otvaraj!", Ul. Dr. Tihomila Markovića br. 1, 75000 Tuzla.

TAČKA 3.

3. Donošenje Odluke o imenovanju Konkursne komisije za izbor direktora za ekonomske poslove Univerziteta u Tuzli.

Generalni sekretar Jasmina Berbić, dipl.pravnik upozna je članove Upravnog odbora o odredbama Statuta Univerziteta u pogledu imenovanja konkursne komisije.

Nakon diskusije Upravni odbor je donio slijedeću

O D L U K U

o imenovanju Konkursne komisije za izbor direktora za ekonomske poslove Univerziteta u Tuzli

I

Imenuje se Konkursna komisija za izbor Direktora za ekonomske poslove Univerziteta u Tuzli i to:

1. Rasema dr. Novalić, predsjednik,
2. dr.sci. Franc Andrejaš, vanr.prof., zamjenik predsjednika,
3. Šejla Fazlić, dipl.pravnik, član.

II

Konkursna komisija iz tačke I ove Odluke, u roku od 15 (petnaest) dana od dana zaključivanja Javnog konkursa sačinjava Listu kandidata za izbor direktora za ekonomske poslove koji ispunjavaju uslove Konkursa, a čije su prijave potpune i blagovremene.

III

Lista kandidata iz tačke II ove Odluke dostavlja se Upravnom odboru Univerziteta u Tuzli na dalji postupak.

Sjednica je završena u 13,00 sati.

ZAPISNIK SAČINILA

Šejla Fazlić, dipl.pravnik

UNIVERZITET U TUZLI
Upravni odbor
Broj: 04-1461-1/20
Tuzla, 06.03.2020.godine

PREDSJEDNICA
UPRAVNOG ODBORA

Senada Karajbić, dipl.pravnik